



JUDICIAL SYSTEM MONITORING PROGRAMME

PROGRAMA DE MONITORIZAÇÃO DO SISTEMA JUDICIAL

Komunikadu Imprensa

19 Setembru 2012

Tribunál Distritál Baucau altera kazu ofensa ba integridade fízika grave ho natureza violénsia doméstika no omologa nia prosesu

Iha 18 Setembru 2012 Tribunál Distritál Baucau hala'o julgamentu ba kazu krime ofensa ba integridade fízika grave ho natureza violénsia doméstika. Kazu ne'e julga ho Númeru Prosesu: 67/Crm.C/2012/TDB ne'ebé envolve arguidu Abel Mário Freitas hasoru vítima Recardina Freitas no Ricardo Freitas. Insidente violénsia doméstika ne'e akontese iha 3 no 4 Jullu 2011, iha Suku Samalari, Sub-distritu Laga Distritu Baucau.

Dr. Afonso Carmona, Dra. Ângela Faria Belo no Dr. António Fonseca nú'udar juizes kolektivu ne'ebé prejide julgamentu ne'e, Dr. Adérito Tilman representa Ministériu Públiku no arguidu hetan defeza husi Dr. Sérgio Paulo Dias Quitas husi Defensória Públiku.

Aktu krime ne'ebé hamósu prejuizu ba ema seluk nia korpu umanu, no tratamentu ne'ebé la'os umanu hasoru membru família rasik tenki prosesa nu'udar krime sériu no tanba ne'e la iha fatin atu deziste no omologa nia proses, dehan Luis de Oliveira Sampaio Diretór ezekutivu JSMP.

Ministériu Públiku akuza argidu ho artigu 146 Kódigu Penál konjugadu ho artigu 35 Lei Kontra Violénsia Doméstika

Iha akuzasaun Ministériu Públiku nian haktuir katak iha 3 Jullu 2011 arguidu tuku dala barak iha vítima Ricardo Freitas nia oin. Aleinde ne'e, iha 4 Jullu arguidu mós baku vítima Recardina Freitas nia ulun, kotuk laran, liman no ain dala barak ho ai pedasuk. Arguidu nu'udar vítima sira nia oan hakiak.

Aktu ne'e rezulta vítima Ricardo Freitas sofre bubu iha nia oin no vítima Recardina Freitas sofre bubu iha liman fuan tohar, ain kabun kanek no kotuk-laran bubu. Iha audiénsia julgamentu ne'e arguidu hili direitu nonok bázeia ba artigu 60. (c) Kódigu Prosesu Penál. Iha parte seluk vítima sira deklara katak sira hakiak arguidu iha momentu arguidu sei ki'ik. Memsu nune'é, vítimas ira husu ba tribunál atu deziste fali sira nia kazu no pruntu atu dada fali sira nia kazu hasoru arguidu.

Depoide tribunál rona deklarasaun husi vítima sira no haree vítima sira nia kondisaun fíziku ne'ebé rekopera, bele ona kaer servisu hanesan bain-bain, no parte sira la iha relasaun família, ikus mai tribunál altera kazu ne'e ba kazu ofensa ba integridade fízika simples iha artigu 145 Kódigu Penál no omologa dezistensia keixa ne'ebé vítima sira husu.

Atu hetan informasaun kle'an favor kontaktu direktamente:

Luis de Oliveira Sampaio

Diretór Ezekutivu JSMP

Diresaun e-mail: luis@jsmp.minihub.org

Landline: 3323883